

## Kitok hông Tèng Sípjìkè ê Sìnsit

2 Hia<sup>n</sup>tī chímōe, góa íchêng khì lín hia ê sí, pēng bô ēng khábiâu ê giânsû á sī tìhūi lâi tùi lín thoánkáng SiōngChú ê òpì. 2 Inūi góa íkeng koattēng, tī lín tiongkan túliáu lésu Kitok kah l hông tēng sípjìkè ê sìnsit ígōa, góa bô beh thêkhí kitha ê tāichì. 3 Góa kah lín chòhóe ê sí chin loánjiók, koh kia<sup>n</sup> kah phihphih choah. 4 Góa só kóng ê òe kah só thoán ê sìnsit, lóng bô ēng khábiâu tìhūi ê giânsû, sī khò Sènglêng ê koánlêng lâi hiòng lín piáubēng, 5 thang hō lín ê sìngióng m̄ sī khò lāng ê tìhūi, khiok sī khò SiōngChú ê koánlêng lâi kiànlp.

## SiōngChú ê Tìhūi

6 Chóng sī, tùi hiah ê lēngsèng sēngsék ê lāng, goán mā ū teh kóng tìhūi, m̄ koh che m̄ sī chit sèkan ê tìhūi, mā m̄ sī chit sèkan chùtiā<sup>n</sup> ē sítse ê chiángkoánchiá ê tìhūi. 7 Goán só kóng ê sī SiōngChú òbiâu ê tìhūi, sī tùi lāng únbat ê, iā tòh sī SiōngChú tī chhòngsè íchêng, ūi tòh lán ê êngkng só isian tiā<sup>n</sup>tìoh ê tìhūi. 8 Chit sèkan ê chiángkoánchiá, bô chitê bat chitê tìhūi; in nā bat, tòh bē kā êngkng ê Chú tēngsí tī sípjìkè tēng. 9 Tú chiàu kengtián só kichài:

SiōngChú ūi thià<sup>n</sup> I ê lāng só chúnpi ê,

sī bákchiu m̄ bat khò<sup>n</sup>kòe,

hī<sup>n</sup>khang m̄ bat thia<sup>n</sup>kòe,

lāng ê sim mā liāusióng bē kàu ê.<sup>3</sup>

10 M̄ koh, SiōngChú khiok thongkòe Sènglêng, tùi lán khésī chiahe tāichì, inūi Sènglêng tōngchhat bānsū, lián SiōngChú chhimò ê chí mā lóng chai. 11 Lāng ê tāichì, chíū i kakī ê simlêng chiahe ē chai; chhinchhiū<sup>n</sup> áne, SiōngChú ê tāichì mā chíū SiōngChú ê Sènglêng chiahe ē chai. 12 M̄ koh, lán só niásiū ê, m̄ sī chit sèkan ê lēng,

## 基督 hông 釘十字架 ê 信息

2 兄弟姊妹，我以前去 lín hia ê 時，並無用巧妙 ê 言詞 á 是智慧來對 lín 傳講上主 ê 奧秘。 2 因為我已經決定，tī lín 中間除了耶穌基督 kah 祂 hông 釘十字架 ê 信息以外，我無 beh 提起其它 ê tāichì。 3 我 kah lín 做伙 ê 時真軟弱，koh 驚 kah phihphih choah。 4 我所講 ê 話 kah 所傳 ê 信息，lóng 無用巧妙智慧 ê 言詞，是靠聖靈 ê 權能來向 lín 表明， 5 thang hō lín ê 信仰 m̄是靠人 ê 智慧，卻是靠上主 ê 權能來建立。

## 上主 ê 智慧

6 總是，對 hiah ê 靈性成熟 ê 人，阮 mā 有 teh 講智慧，m̄ koh 這 m̄ 是 chit 世間 ê 智慧，mā m̄ 是 chit 世間註定 ē 失勢 ê 掌權者 ê 智慧。 7 阮所講 ê 是上主奧妙 ê 智慧，是對人隱密 ê，也 tòh 是上主 tī 創世以前，為 tiòh 咱 ê 榮光所預先定 tiòh ê 智慧。 8 Chit 世間 ê 掌權者，無一個 bat chitê 智慧；in 若 bat，tòh bē kā 榮光 ê 主釘死 tī 十字架頂。 9 Tú 照經典所記載：

上主為疼祂 ê 人所準備 ê，

是目 chiu m̄ bat 看過，

耳孔 m̄ bat 聽過，

人 ê 心 mā 料想 bē 到 ê。<sup>3</sup>

10 M̄ koh，上主卻通過聖靈，對咱啟示 chiahe tāichì，因為聖靈洞察萬事，連上主深奧 ê 旨意 mā lóng 知。 11 人 ê tāichì，只有伊 kakī ê 心靈 chiahe ē 知；親像 áne，上主 ê tāichì mā 只有上主 ê 聖靈 chiahe ē 知。 12 M̄ koh，咱所領受 ê，m̄ 是 chit 世間 ê 靈，卻是 tùi 上主來 ê 聖靈，thang hō 咱知上主白白賞賜 hō 咱 ê 恩典。

<sup>3</sup> ISI 64:4

<sup>3</sup> 賽 64:4

khiok sī tùi SiōngChú lâi ê Sènglêng, thang hō  
lân chai SiōngChú pèhpèh siú<sup>n</sup>sù hō lân ê intián.

13 Sǒi, goán tùi siók lêng ê lâng káisoeh siók  
lêng ê tāichì, m̄ sī ēng lâng ê tìhūi số kà ê ōe, 14 M̄ koh, siók  
hiátkhì ê lâng bē tàng niásiū SiōngChú Sènglêng  
ê insù. In kā chiahê insù khòa<sup>n</sup> chò sī gūgōng ê,  
mā bô hoattō liáukái, inūi kanta<sup>n</sup> siók lêng ê lâng  
chiah ē tàng hiáungō. 15 Siók lêng ê lâng sujiân ē  
tàng phò<sup>a</sup>toàn bānhāng sū, m̄ koh i kakī khiok  
bô siū jīmhô lâng phò<sup>a</sup>toàn. 16 Kengtián ū kichài:

**Siá<sup>a</sup> lâng chai Chú ê simì?**

**Siá<sup>a</sup> lâng ē tàng thè I chhut chúì?<sup>4</sup>**

M̄ koh, lân siók lêng ê lâng ū Kitok ê simchì.

13 所以，阮對屬靈 ê 人解說屬靈 ê tāichì, m̄  
是用人 ê 智慧所教 ê 話，卻是用聖靈所教示 ê  
話。 14 M̄ koh, 屬血氣 ê 人 bē tàng 領受上主聖  
靈 ê 恩賜。 In kā chiahê 恩賜看做是愚戇 ê, mā  
無法度了解，因為 kanta<sup>n</sup> 屬靈 ê 人 chiah ē tàng  
曉悟。 15 屬靈 ê 人雖然 ē tàng 判斷萬項事, m̄  
koh 伊 kakī 卻無受任何人判斷。 16 經典有記  
載：

啥人知主 ê 心意？

啥人 ē tàng 替祂出主意？<sup>4</sup>

M̄ koh, 咱屬靈 ê 人有基督 ê 心志。

---

<sup>4</sup> ISI 40:13

<sup>4</sup> 賽 40:13